



Na osnovu člana 70. Zakona o javnim nabavkama ("Službene novine BiH", broj: 39/14), na preporuku Komisije iz Zapisnika za pregled i ocjenu ponuda broj: 05-25-15882-8/17 od 05.12.2017. godine, u postupku javne nabavke po Konkurentskom zahtjevu za dostavu ponuda za nabavku radova „Regulacija rijeke Stavnje kroz naselje Hodžići, i faza“ broj: 05-25-15882-3/17 od 21.11.2017. godine općina Vareš, ministar Ministarstva za poljoprivredu, šumarstvo i vodoprivredu, donio je

O D L U K U

o izboru najpovoljnijeg ponuđača

I

Prihvata se preporuka Komisije za javne nabavke iz Zapisnika za pregled i ocjenu ponuda broj: 05-25-15882-8/17 od 05.12.2017. godine i ugovor za javnu nabavku radova „Regulacija rijeke Stavnje kroz naselje Hodžići, i faza“, općina Vareš, dodjeljuje se ponuđaču ŠPIC BETON d.o.o. Zenica, po ponudi broj: 2723/14 od 04.12.2017. godine, sa ponuđenom cijenom od 50.354,80 KM bez PDV-a.

II

Prijedlog ugovora o nabavci dostavit će se na potpis izabranom ponuđaču ŠPIC BETON d.o.o. Zenica, po proteku roka od 10 (deset) dana računajući od kada je ponuđač obaviješten o izboru najpovoljnije ponude.

III

Ova odluka objavit će se na web-stranici Zeničko-dobojskog kantona – www.zdk.ba, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

IV

Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05-25-15882/17 od 21.11.2017. godine.

Javna nabavka je provedena po konkurentskom zahtjevu za dostavu ponuda. Procijenjena vrijednost javne nabavke bez PDV-a iznosi 40.170,00 KM. Obavještenje o nabavci broj: 455-7-3-29-3-29/17 objavljeno je dana 22.11.2017. godine na Portalu javnih nabavki. Po objavljivanju javne nabavke, Ministarstvo za poljoprivredu, šumarstvo i vodoprivredu je uputilo poziv za dostavu ponuda ponuđačima: „JKP“ d.o.o. Vareš, Beta-company d.o.o. Kakanj i ŠPIC BETON d.o.o. Zenica.

Komisija za javnu nabavku (u daljem tekstu: Komisija), imenovana Rješenjem ministra broj: 05-25-15882-1/17 od 21.11.2017. godine dostavila je dana 05.12.2017. godine ovom Ministarstvu Zapisnik o otvaranju ponuda. Ministarstvo je aktom broj: 05-25-15882-9/17 od 05.12.2017. godine Zapisnik o otvaranju ponuda uputilo jedinom ponuđaču „ŠPIC BETON“ d.o.o. Zenica u postupku ove javne nabavke.

Komisija je Ministarstvu dostavila Zapisnik o pregledu i ocjeni ponuda broj: 05-25-15882-8/17 od 05.12.2017. godine sa preporukom Ugovornom organu da razmotri mogućnost osiguranja nedostajućih sredstava u okviru opredijeljenih sredstava za općinu Vareš u Programu utroška sredstava vodnih naknada za 2017. godinu ili da u skladu sa članom 69. stav (2) tačka e) Zakona o javnim nabavkama („Službeni glasnik BiH“, broj: 39/14) poništi postupak ove javne nabavke.

U postupku po izvještaju o radu Komisije utvrđeno da je imenovana Komisija blagovremeno i pravilno izvršila otvaranje ponuda i ocjenu prispjelih ponuda o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda - jedna (1);
- da su blagovremeno zaprimljene – jedna (1);

- da su neblagovremeno zaprimljene - nula (0);

U postupku donošenja ove odluke, posebno su cijanjene činjenice da je Komisija, pravilno i potpuno izvršila ocjenu kvalifikovanosti ponuđača, te ocjenu prispjele ponude, u skladu sa kriterijima iz predmetne tenderske dokumentacije.

U postupku ocjene provedenog postupka, nisu evidentirane nepravilnosti niti propusti u radu, koji bi eventualno bili osnov za neprihvatanje preporuke Komisije.

Iz svega navedenog, u postupku je ocijenjeno da je Komisija u svemu pravilno postupila, te da je ovom Ministarstvu ukazala da dostavljena ponuda sa cijenom prelazi procijenjenu ukupnu vrijednost ugovora bez PDV-a, obezbijedenu u Programu utroška vodnih naknada za 2017. godinu za općinu Vareš.

Ministarstvo kao ugovorni organ smatra da dostavljena ponuda neznatno premašuje procijenjenu vrijednost ove javne nabavke, te će osigurati nedostajuća sredstva u okviru opredijeljenih sredstva za općinu Vareš u Programu utroška sredstava vodnih naknada za 2017. godinu.

Uvidom u priloženu dokumentaciju, ugovor se dodjeljuje ponuđaču ŠPIC BETON d.o.o. Zenica sa ponuđenom cijenom bez PDV-a u iznosu od 50.354,80 KM, što sa sa uključenim PDV-om iznosi 58.915,11 KM.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Broj: 05-25-15882-10/17.

Datum, 11.12.2017. godine
Zenica

DOSTAVLJENO:

1x ŠPIC BETON d.o.o. Zenica

1x a/a.



MINISTAR

Edin Smajić



Handwritten signature.